

¶ Ars prima de vniuerso

Et iste omnes mutationes vltimo sexcentenario in cuius fine sumus facte sunt. In precedenti vero cuius fine sumus sexcentenario et fere quadraginta annis ante exorta est lex christianoꝝ et regnum ipsoꝝ. Utrum autem ita se habeat vitas per omnes sexcentenarios annorum quod fluxerit ab initio mundi scire poterit cronica. Quid autem futurum sit per hoc de mutationibus magnis astronomi predivinare conantur ex coniunctione planetarum que futura est in libra. Causa autem in hoc est. quia omnes huiusmodi mutationes attribuitur conjunctionibus istis et motibus stellarum fixarum. Manifestum etiam est tibi ex his que precesserunt quia quod dixerunt coruam per tria vel nouem secula viuere intellexerunt secula centenarios annorum quia per trescentenarios annos vel nouem opinati sunt viuere coruam. Generatio autem non immerito credi potest spacium centum annorum et tunc intelligenda est dici a genere et reuera tamdiu se esse de eodem genere homines dicunt quod diu patrem generis agnoscunt et tamdiu etiam gradum parentele et cognationum computant et hoc est spacium vite hominis nisi ipsum aut malicia complexiois. aut alia incommoditas abreuiet. extenditur autem plurimum in plures quam centum annos sepius nec contrahitur in paucos. Sciendum etiam est tibi. quia generatio dicitur interdum totum tempus quo generantur homines quemadmodum et generatio dicitur tempus reuouationis ipsoꝝ hoc est resurrectionis et iste intentiones inueniuntur in lege christianoꝝ que grece euangelium vocatur. Nec dubitandum est tibi quin generatio etiam vni genus aut vna progenies nomine. progenies autem generatio est ex vno primo ac principali capite famoso. scilicet ac nominato plebe. ibi quippe homines et ignoti non dant nomen generibus. nec eis ascribuntur genera vel generationes. Sed illis qui patres simul ac principes generum suorum habentur. Etas autem proprie et prima sui cognitione dicitur tempus vite vnius cuiusque animalis. Dicitur etiam et status vni cuiusque partis secundum quam est mutatio in ipso animali. Sicut in homine nominantur etates sex. Infancia puericia adolescencia. Iuuentus. Senectus et senium et figurate translata sunt ista vocabula ad status populorum. Sicut et quidam ex historiographis infantiam populi romani etiam etates assignauit et adaptauit eidem transfertur etiam et ad totum huius mundi terreni statum hoc est totius

humani generis. Vnde et crebro dicunt homines mundum senuisse alii eundem senescere. Eundem vero idem est secundum quendam. Unde et apud historiographos inuenies isti homines non fuerunt eui nostri hoc est temporis nostri. Dicunt autem quidam ytalicoꝝ eum interdum eternitatem accipit et ab eo. id est ab eternitate tempus fluere.

Lito post hec quia in sermonibus authenticis inuenit scriptum dies antiquos et annos eternos. Et numerus annorum creatoris inestimabilis et anni eius non deficientes. Quibus omnibus sermonibus nihil aliud conuenienter intelligi potest quam ipsius eternitas nomina omnium dierum et annorum fluentis et omnino instabilis durationis nomina sunt propria intentione sua. necesse igitur est ut huiusmodi nominibus non aliud intelligi quam eternitatem creatoris qualem eam esse superius audiuiti. Juxta has intentiones intelligenda sunt tibi secula seculorum infinita immortalia. Vnum enim seculum ut supra dixi tibi eternitas est que nec recipit diuisionem in se neque aggregationem alteri et ideo non proprie significatur per secula. quia in ea non est seculum et seculum. Sed nec ipsa perpetuitas que inciperet a die iudicii recipit aggregationem nisi quis dicat quia perpetuitas glorie que promittitur electis atque dilectis dei et perpetuitas miserie atque suppliciorum quibus affligendi sunt mali et iudicio creatoris damnandi due perpetuitates sunt. hoc autem non videtur conuenienter dictum. Sicut enim in vno et eodem tempore quibusdam hominum bene est et quibusdam male. Sic et in eadem perpetuitate bene enim glorificatis et male damnatis et perpetuitas secundum quosdam non est nisi tempus interminatum a parte finis hoc est non habens finem. Utrum autem veri nominis tempus vel alia magnitudo continua possit esse infinita declarabis tibi in sequentibus. Quod ergo habet sermo sanctus dei dilectis et electis quibusdam quod fulgebunt tanquam stelle imperpetuas eternitates. Manifestum est tibi quia improprie dicitur hoc neque enim eternitas perpetua neque perpetuitas eterna vere dici potest rationes enim eorum sunt sicut apparet tibi ex his que precesserunt. Sed neque eternitas recipit diuisionem aggregationem sine pluralitate.

Sciendum etiam est tibi circa hec quod sermo sanctus huius cuiusdam ex prophetis